

醫統正脈全書

二三

R2-51

53

11

金匱玉函要畧方論序

張仲景爲傷寒雜病論合十六卷今世但傳傷寒論十卷雜病未見其書或於諸家方中載其一二矣翰林學士王洙在館閣日於蠹簡中得仲景金匱玉函要畧方三卷上則辯傷寒中則論雜病下則載其方并療婦人乃錄而傳之士流才數家耳嘗以方證對者施之於人其效若神然而或有證而無方或有方而無證救疾治病其有未備 國家詔儒臣校正醫書臣音先校定傷寒論次校定金匱玉函經今又校成此書仍以逐方次

於證候之下使倉卒之際便於檢用也又採散在諸家
之方附於逐篇之末以廣其法以其傷寒文多節略故
斷自雜病以下終於飲食禁忌凡二十五篇除重複合
二百六十二方勒成上中下三卷依舊名曰金匱方論
臣竒嘗讀魏志華佗傳云出書一卷曰此書可以活人
每觀華佗凡所療病多尙竒怪不合聖人之經臣竒謂
活人者必仲景之書也大哉炎農聖法屬我盛旦恭惟
主上不承大統撫育元元頒行方書拯濟疾苦使和氣
盈溢而萬物莫不盡和矣

太子右贊善大夫 臣 高保衡 尚書都官員外郎 臣 孫音

尚書司封郎中 充秘閣校理 臣 林億等 傳上

明應天徐鎔謹按文獻通考二百二十二卷中金匱玉
函經八卷條下晁氏曰漢張仲景撰晉王叔和集設
荅問雜病形證脉理參以療治之方仁宗朝王洙得
於館中用之甚效合二百六十二方據此并前林序
云依舊名曰金匱方論則王洙館中所得名曰金匱
玉函要畧方係五代時改名耳所以通考只云金匱
玉函經也是金匱玉函經元時已無矣夫金匱玉函
經八卷東漢張仲景祖書名也金匱方論三卷傷寒
論十卷似西晉王叔和選集撰次後俗傳書名也若

金匱玉函要畧方五代及宋相沿書名也今單名金匱要畧而去其玉函二字愈遠而愈失其真矣又據晉皇甫謐甲乙云仲景論廣伊尹湯液用之多驗王叔和撰次仲景選論甚精指事施用卽今俗所分傷寒論金匱要畧是也孫真人千金云江南諸師秘仲景傷寒方法不傳是叔和選論思邈亦未曾研也惟文潞公藥準云仲景爲群方之祖朱奉議活人書云古人治傷寒有法治雜病有方葛稚川作肘後孫真人作千金陶隱居作集驗玄晏先生作甲乙其論傷

寒治法者長沙太守一人而已華佗指張長沙傷寒論爲活人書昔人又以金匱玉函名之其重於世如此然其言雅非精於經絡不能曉會若孫思邈則未能詳仲景之用心者是宋時纔分傷寒論金匱要畧爲二書也成聊攝明理論云自古諸方厯歲浸遠難可考評惟仲景之方最爲衆方之祖是以仲景本伊尹之法伊尹本神農之經醫帙之中特爲樞要叅今法古不越毫末乃大聖之所作也劉河間原病式云自黃帝之後二千五百有餘年有仲景方論一十六

卷使後之學者有可依據文亦玄奧以致今之學者
尙爲難焉故今人所習皆近代方論而已但究其末
而不求其本唯近世朱奉議多得其意遂以本仲景
之論而兼諸書之說作活人書其言直其類辯使後
學者易爲尋檢施行故今之用者多矣據河間十六
卷之言此時仲景書尙未分傷寒雜病爲二門也或
金匱玉函經八卷坊間分作十六卷亦未可知故東
垣內外傷辯惑論曰易張先生云仲景藥爲萬世法
號群方之祖治雜病若神後之醫者宗內經法學仲

景心可以爲師矣王海藏此事難知云余讀醫書幾
十載矣所仰慕者仲景一書爲尤然讀之未易洞達
其趣欲得一師指之徧國中無有能知者故於醫壘
元戎云折中湯液萬世不易之法當以仲景爲祖又
云金匱玉函要畧傷寒論皆張仲景祖神農法伊尹
體箕子而作也唐宋以來如孫思邈葛稚川朱奉議
王朝奉輩其餘名醫雖多皆不出仲景書又湯液本
草於孫葛朱王外添王叔和范汪胡洽錢仲陽成無
己陳無擇云其議論方定增減變易千狀萬態無有

一毫不出於仲景者潔古張元素其子張璧東垣李明之皆祖張仲景湯液惜乎世莫有能知者又云仲景廣湯液爲大法晉宋以來號名醫者皆出於此又按丹谿局方發揮或問曰仲景治傷寒一百一十三方治雜病金匱要畧二十有三門何也荅曰仲景諸方實萬世醫門之規矩準繩也後之欲爲方圓平直者必於是而取則焉曰要畧之方果足用乎曰天地氣化無窮人身之病亦變化無窮仲景之書載道者也醫之良者引例推類可謂無窮之應用借令畧有

加減修合終難踰越矩度又曰圓機活法內經具舉
與經意合者仲景書也仲景因病以制方局方製藥
以俟病據數家說是元末及我

國朝初醫家方分傷寒雜病爲二家也只因聊攝七十
八歲撰成明理論八十歲時注完傷寒論未暇注金
匱論所以俗醫分爲二門致今時衆口一辭謂仲景
能恰傷寒而不能療雜證也寃哉余素慨金匱方論
與傷寒論睽離孤處及注解傷寒論又明理論乖散
失群已近五百年因謀諸新安師古吳君校壽一梓

金匱要略 序 六
成濟睽而得會遇庶業醫者弗致得此失彼各自專
門爲粗陋又冀華劍復合昌鏡再圓天作之合云爾
萬曆戊戌孟夏吉日匿迹市隱逸人謹識

金匱玉函要畧方論目錄

卷上

臟腑經絡先後第一

濕暍第二

栝樓桂枝湯

葛根湯

大承氣湯

麻黃加朮湯

麻黃杏仁薏苡甘草湯

防己黃耆湯

桂枝附子湯

白朮附子湯

甘草附子湯

白虎人參湯

一物瓜蒂湯

百合狐惑陰陽毒第三

百合知母湯

滑石代赭湯

百合雞子湯

百合地黃湯

百合洗方

栝樓牡蠣散

百合滑石散

甘草瀉心湯

苦參湯

雄黃薰方

赤小豆當歸散

升麻鱉甲湯

瘧病第四

驚甲煎丸

白虎加桂枝湯

蜀漆散

附方

牡蠣湯

柴胡去半夏加栝樓湯

柴胡桂薑湯

中風歷節第五

侯氏黑散

風引湯

防已地黃湯

頭風摩散

桂枝芍藥知母湯

烏頭湯

礬石湯

附方

續命湯

三黃湯

朮附湯

八味圓

越婢加朮湯

血痺虛勞第六

黃耆桂枝五物湯

桂枝加龍骨牡蠣湯

天雄散

小建中湯

黃耆建中湯

薯蕷圓

酸棗湯

大黃麤虫圓

附方

炙甘草湯

肺痿肺癰咳嗽上氣第七

甘草乾薑湯

射干麻黃湯

皂莢圓

厚朴麻黃湯

澤漆湯

麥門冬湯

葶藶大棗瀉肺湯

桔梗湯

越婢加半夏湯

小青龍加石膏湯

附方

甘草湯

生薑甘草湯

桂枝去芍藥加阜莢湯

葦莖湯

桔梗白散

奔狔氣第八

奔狔湯

桂枝加桂湯

茯苓桂枝甘草大棗湯

胸痺心痛短氣第九

栝樓薤白白酒湯

栝樓薤白半夏湯

枳實薤白桂枝湯

人參湯

茯苓杏仁甘草湯

橘皮枳實生薑湯

薏苡附子散

桂枝生薑枳實湯

赤石脂圓

九痛丸

腹滿寒疝宿食第十

厚朴七物湯

附子粳米湯

厚朴三物湯

大柴胡湯

大建中湯

大黃附子湯

赤圓

烏頭煎

金匱要略 目錄
當歸生薑羊肉湯

烏頭桂枝湯

附方

柴胡桂枝湯

走馬湯

瓜蒂散

卷中

五臟風寒積聚第十一

麻子仁圓

甘草乾薑茯苓白朮湯

痰飲欬嗽第十二

茯苓桂枝白朮甘草湯

甘遂半夏湯

十棗湯

大青龍湯

小青龍湯

朮防已湯

朮防已加茯苓芒消湯

澤瀉湯

厚朴大黃湯

小半夏湯

防已椒目葶藶大黃圓

小半夏加茯苓湯

五苓散

附方

茯苓飲

茯苓桂枝五味甘草湯

茯苓五味去桂加乾薑細辛湯

苓桂五味甘草去桂加乾薑細辛半夏湯

苓甘五味加薑辛半夏杏仁湯

苓甘五味加薑辛半夏大黃湯

消渴小便利淋第十三

文蛤散

栝樓瞿麥圓

蒲灰散

滑石白魚散

茯苓戎鹽湯

猪苓湯

水氣病第十四

越婢湯

防己茯苓湯

甘草麻黃湯

麻黃附子湯

杏子湯

黃耆芍藥桂枝苦酒湯

桂枝加黃耆湯

桂枝去芍藥加麻黃細辛附子湯

枳朮湯

黃疸病第十五

茵陳蒿湯

消石礬石散

梔子大黃湯

猪膏髮煎

茵陳五苓散

大黃消石湯

附方

麻黃醇酒湯

驚悸吐衄下血胸滿瘀血第十六

桂枝去芍藥加蜀漆牡蠣龍骨救逆湯

半夏麻黃圓

栝葉湯

黃土湯

瀉心湯

嘔吐噦下利第十七

茱萸湯

半夏瀉心湯

黃芩加半夏生薑湯

豬苓散

四逆湯

小柴胡湯

大半夏湯

大黃甘草湯

茯苓澤瀉湯

文蛤湯

半夏乾薑散

生薑半夏湯

橘皮湯

橘皮竹茹湯

桂枝湯

小承氣湯

桃花湯

白頭翁湯

梔子豉湯

通脈四逆湯

紫參湯

訶梨勒散

附方

黃芩湯

瘡癰腸癰浸淫第十八

薏苡附子敗醬散

大黃牡丹湯

王不留行散

排膿散

排膿湯

黃連粉

跌蹶手指臂腫轉筋陰狐疝疔疔第十九

梨蘆甘草湯

雞屎白散

蜘蛛散

甘草粉蜜湯

烏梅圓

卷下

婦人妊娠第二十

附子湯

桂枝茯苓丸

膠艾湯

當歸芍藥散

乾薑人參半夏丸

當歸貝母苦參丸

葵子茯苓散

當歸散

白朮散

婦人產後病第二十一

全
日
金
枳實芍藥散

下瘀血湯

竹葉湯

陽旦湯

竹皮大圓

白頭翁加甘草阿膠湯

附方

三物黃芩湯

內補當歸建中湯

婦人雜病第二十二

半夏厚朴湯

甘草小麥大棗湯

溫經湯

土瓜根散

旋復花湯

膠薑湯

大黃甘遂湯

抵當湯

礬石丸

紅藍花酒

腎氣圓

蛇床子散

狼牙湯

小兒疳虫蝕齒方

雜療第二十三

四時加減柴胡飲

長服訶梨勒圓

三物備急丸

紫石寒食飲

救卒死方

共五方

救卒死而壯熱方

救卒死而目閉者方

救卒死而張口反折者方

救卒死而四肢不收失便者方

救小兒卒死而吐利不知是何病方

治尸歷方

共二方

救卒死客忤方

二方

救自縊死方

療中暈方

救溺死方

馬墜及一切筋骨損方

禽獸虫魚禁忌第二十四

治自死六畜肉中毒方

治食鬱肉漏脯中毒方

治黍米中藏乾脯食之中毒方

治食生肉中毒方

治食六畜鳥獸肝中毒方

治馬肝毒中人未死方_二

治食馬肉中毒欲死方_二

治食噉蛇牛肉欲死方_三

治食牛肉中毒方

治食犬肉不消成病方

金匱要略 目錄
治食鳥獸中箭肉毒方

治食鱸不化成癥病方_二

治食魚後食毒兩種煩亂方

治食鰵魚中毒方

治食蟬中毒方_二

菓實菜穀禁忌第二十五

治食諸菓中毒方

治食諸菌中毒悶亂欲死方

治食楓柱菌而笑不止方

治誤食野芋煩毒欲死方

治誤食蜀椒閉口者方

食躁或躁方

治誤食鉤吻殺人解

治誤食水茛菪中毒方

治食芹菜中龍精毒方

治食苦瓠中毒方

治凡飲食中毒方

共二方

貪食食多不消心腹堅滿治之方

通除諸毒藥

明應天徐鎔按林億序云二十五篇除重複合二百六十二方於是就古本新本篇下所注之數通計之止得二百四十六然菓實菜穀篇下古本新本俱闕注數恐校正時序數如此篇注如彼忽略脫誤也併此脫落一十二首亦僅得二百五十八耳較之猶欠四首及數目錄亦二百五十八其中重出者一十六方脫落者一十九方若腹滿證大承氣湯宿食證却云見前瘞病中水氣篇防已黃耆

湯附方後却云見風濕中乃卷內之重也因去之
濕證中白朮附子湯中風篇朮附湯八味圓婦人
雜病篇腎氣圓品味分兩雖同方名則異因存之
其厚朴三物湯厚朴大黃湯小承氣湯方名雖異
藥味並同分兩參差神妙莫測非叔和不能集仲
景不能述又非今世醫者所能驟而窺也因贊之
若黃連粉梨蘆甘草湯附子湯陽旦湯膠薑湯卷
注云雖未見則照杏子湯目錄而補之苦參湯卷
中未注未見恐校正時誤脫也因取龐安時及于

金等而補附遺若麻黃杏仁薏苡甘草等湯一十

三方則據卷中所有而添目錄以實除重複合二

百六十二方之數也其寒疝附方烏頭湯注云方

見上上系烏頭煎烏頭桂枝湯若烏頭湯載在中

風篇因未覩外臺只得存其疑也

痰飲篇及婦人雜病篇小青龍

湯並云見肺癰中乃是小青龍加石膏湯也其小青龍湯方則見咳嗽中

若五勞斷齒

等證形狀病源間採巢氏病源另為一篇附於卷

末以便初學私淑集注之意也或曰林億等校勘

脫誤重複焉能為有余曰活人書奉議公之手筆

也方尙重複況此論校者非一人正者非一手仲
景沒而微言絕雖有病源千金辭愈煩而理愈晦
正醫道如縷之秋也奈校方論時醫學纔開胷中
無主又且術業素異居養不同或執已私失於商
較焉知不無差論哉余今億度於千載之後聊附
鄙語以俟明哲更爲正之若篇注論幾首脉證幾
條臺頭高下有圈無圈則仍舊本所書云時萬曆
乙酉夏至日識

附遺

苦參湯方

見龐安時傷寒總論

狐惑證

苦參

半斤

槐白皮

狼牙根

各四兩

右剉以水五升煎三升半洗之

赤小豆當歸散方

見龐方時作一兩

當歸

一兩

千金作三兩

白虎加桂枝湯方

見千金

粳米

二合

千金作六合是

蜀漆散方

蜀漆

燒

傷寒論及本草俱作洗是

續命湯方

見玉機微義

川芎 一兩

甘草湯方

見千金

治肺痿涎唾多出血心中温温液

液

千金翼名温液湯

甘草 二兩

桂枝去芍藥加皂莢湯方

見千金

大棗

十五枚

赤圓方

見千金

附子

二兩

射罔

如大棗 一兩

係六味

烏頭桂枝湯方

見千金

烏頭

實中者五枚除去角

蜜

作一斤

茯苓戎鹽湯方

右三味

闕

膠艾湯方

見局方

乾地黄

四兩

白朮散方

見局方

白朮

芎藭

各四分

牡蠣

熬二兩

小兒疳蟲蝕齒方

雄黃 闕

葶藶 闕

治尸蹙方

注脉證見上卷

卽第三葉問曰寸口脉沉大而滑卒厥證一條是也

升合分兩

此經方劑並按古法鎔銖分兩與今不同謂如咬咀者卽今之劑如麻豆大是也云一升者卽今之大白蓋也云銖者六銖爲一分卽二錢半也二十四銖爲一兩也云三兩者卽今之一兩云二兩者卽今之六錢半也料例大者只合三分之一足矣

金匱要畧方論卷上

漢

張仲景述

晉

王叔和集

宋尚書司封郎中充秘閣校理臣林億等詮次

臟腑經絡先後病脈證第一

論十三首
脈證二條

問曰上工治未病何也 師曰夫治未病者見肝之病

知肝傳脾當先實脾四季脾王不受邪即無補之中

工不曉相傳見肝之病不解實脾惟治肝也夫肝之

病補用酸助用焦苦益用甘味之藥調之酸入肝焦

苦入心甘入脾脾能傷腎腎氣微弱則水不行水不

全圖要略 卷一
行則心火氣盛則傷肺肺被傷則金氣不行金氣不行則肝氣盛則肝自愈此治肝補脾之要妙也肝虛則用此法實則不在用之經曰虛虛實實補不足損有餘是其義也餘藏準此

夫人稟五常因風氣而生長風氣雖能生萬物亦能害萬物如水能浮舟亦能覆舟若五臟元真通暢人卽安和客氣邪風中人多死干般痰難不越三條一者經絡受邪入臟腑爲內所因也二者四肢九竅血脉相傳壅塞不通爲外皮膚所中也三者房室金刃

蟲獸所傷以此詳之病由都盡若人能養慎不令邪
風干忤經絡適中經絡未流傳腑臟卽醫治之四肢
才覺重滯卽導引吐納鍼灸膏摩勿令九竅閉塞更
能無犯王法禽獸災傷房室勿令竭乏服食節其冷
熱苦酸辛甘不遺形體有衰病則無由入其腠理腠
者是三焦通會元真之處爲血氣所注理者是皮膚
臟腑之文理也

問曰病人有氣色見於面部願聞其說師曰鼻頭色青

腹中痛苦冷者死

一云腹中冷若痛者死

鼻頭色微黑者有水

金匱要略 卷上
氣色黃者胸上有寒色白者亡血也設微赤非時者
死其目正圓者瘕不治又色青爲痛色黑爲勞色赤
爲風色黃者便難色鮮明者有留飲

師曰病人語聲寂然喜驚呼者骨節間病語聲暗暗
然不徹者心膈間病語聲啾啾然細而長者頭中病
痛一作

師曰息搖肩者心中堅息引胸中上氣者欬息張口
短氣者肺痿唾沫

師曰吸而微數其病在中焦實也當下之卽愈虛者

不治在上焦者其吸促在下焦者其吸遠此皆難治
呼吸動搖振振者不治

師曰寸口脉動者因其王時而動假令肝王色青四
時各隨其色肝色青而反色白非其時色脉皆當病
問曰有未至而至有至而不至有至而不去有至而太
過何謂也 師曰冬至之後甲子夜半少陽起少陽
之時陽始生天得溫和以未得甲子天因溫和此爲
未至而至也以得甲子而天未溫和爲至而不至也
以得甲子而天大寒不解此爲至而不去也以得甲

子而天溫如盛夏五六月時此爲至而太過也

師曰病人脉浮者在前其病在表浮者在後其病在裏腰痛背強不能行必短氣而極也

問曰經云厥陽獨行何謂也 師曰此爲有陽無陰故

稱厥陽

問曰寸脉沉大而滑沉則爲實滑則爲氣實氣相搏血氣入臟卽死入腑卽愈此爲卒厥何謂也 師曰唇

口青身冷爲入臟卽死如身和汗自出爲入腑卽愈

問曰脉脫入臟卽死入腑卽愈何謂也 師曰非爲一

病百病皆然譬如浸淫瘡從口起流向四肢者可治從四肢流來入口者不可治病在外者可治入裏者卽死

問曰陽病十八何謂也師曰頭痛項腰脊臂脚掣痛陰病十八何謂也師曰欬上氣喘噓 咽腸鳴脹滿心痛拘急五臟病各有十八合爲九十病人又有六微微有十八病合爲一百八病五勞七傷六極婦人三十六病不在其中清邪居上濁邪居下大邪中表小邪中裏榮飪之邪從口入者宿食也五邪中人各有

法度風中於前寒中於暮濕傷於下霧傷於上風令
脉浮寒令脉急霧傷皮腠濕流關節食傷脾胃極寒
傷經極熱傷絡

問曰病有急當救裏救表者何謂也 師曰病醫下之
續得下利清穀不止身體疼痛者急當救裏後身體
疼痛清便自調者急當救表也 夫病痼疾加以卒
病當先治其卒病後乃治其痼疾也

師曰五臟病各有得者愈五藏病各有所惡各隨其
所不喜者爲病病者素不應食而反暴思之必發熱

也 夫諸病在藏欲攻之當隨其所得而攻之如渴者與猪苓湯餘皆倣此

瘧濕暍病脉證第二

論一首 脉證十二條

方十一首

太陽病發熱無汗反惡寒者名曰剛瘧

一作瘧 餘同

太陽

病發熱汗出而不惡寒名曰柔瘧

太陽病發熱脉沉

而細者名曰瘧爲難治

太陽病發汗太多因致瘧

夫風病下之則瘧復發汗必拘急

瘡家雖身疼痛不

可發汗汗出則瘧

病者身熱足寒頸項強急惡寒時頭熱面赤目赤獨頭

動搖卒口噤背反張者痙病也若發其汗者寒温相得

其表益虛卽惡寒甚發其汗已其脉如蛇一云其脉冷冷暴

腹脹大者爲欲解脉如故反伏弦者痙夫痙脉按之

緊如弦直上下行一作築而弦

痙病有灸瘡難治脉經云痙家其脉伏堅直上下

太陽病其證備身體強几几然脉反沉遲此爲痙括萸

桂枝湯主之

括萸桂枝湯方

括萸根 二兩 桂枝 三兩 芍藥 三兩

甘草 二兩

生姜 三兩

大棗 十二枚

右六味以水九升煮取三升分温三服取微汗汗不出食頃啜熱粥發

太陽病無汗而小便反少氣上衝胸口噤不得語欲作剛瘧葛根湯主之

葛根湯方

葛根 四兩

麻黃 三兩 去節

桂 二兩 去皮

芍藥 二兩

甘草 二兩 炙

生姜 三兩

大棗 十二枚

右七味咀咬以水一斗先煮麻黃葛根減二升去沫內諸藥煮取三升去滓溫服一升覆取微似汗不須噉粥餘如桂枝湯法將息及禁忌

瘥為病

一本瘥字上有剛字

胸滿口噤卧不着席脚攣急必齟齬

可與大承氣湯

大承氣湯方

大黃

四兩酒洗

厚朴

半斤炙去皮

枳實

五枚炙

芒硝

三合

右四味以水一斗先煮二物取五升去滓內大黃

煮取二升去滓內芒硝更上火微一二沸分温再

服得下止服

太陽病關節疼痛而煩脉沉而細

一作緩

者此名濕痺

玉函

云中

濕痺之候小便不利大便反快但當利其小便

濕家之為病一身盡疼

一云疼煩

發熱身色如熏黃也

濕

家其人但頭汗出背強欲得被覆向火若下之早則噦

或胸滿小便不利

一云利

舌上如胎者以丹田有熱胸上

有寒渴欲得飲而不能飲則口燥煩也 濕家下之額

上汗出微喘小便利

一云不利

者死若下利不止者亦死

風濕相搏一身盡疼痛法當汗出而解值天陰雨不止
醫云此可發汗汗之病不愈者何也蓋發其汗汗大出
者但風氣去濕氣在是故不愈也若治風濕者發其汗
但微微似欲出汗者風濕俱去也 濕家病身疼發熱
面黃而喘頭痛鼻塞而煩其脉大自能飲食腹中和無
病病在頭中寒濕故鼻塞內藥鼻中則愈 脉經云病人喘而無濕家
病以下至而喘十三字 濕家身煩疼可與麻黃加朮湯發其汗
為宜慎不可以火攻之

麻黃加朮湯方

麻黃 三兩 去節

桂枝 二兩 去皮

甘草 一兩 炙

杏仁 七十箇 去皮尖

白朮 四兩

右五味以水九升先煮麻黃減二升去上沫內諸

藥煮取二升半去滓溫服八合覆取微似汗

病者一身盡疼發熱日晡所劇者名風濕此病傷於汗
出當風或久傷取冷所致也可與麻黃杏仁薏苡甘草
湯

麻黃杏仁薏苡甘草湯方

麻黃 去節半兩 湯泡 甘草 一兩 炙

薏苡仁 半兩

杏仁

十箇去皮尖炒

右剉麻豆大每服四錢水一盞半煮八分去滓温

服有微汗避風

風濕脉浮身重汗出惡風者防已黃耆湯主之

防已黃耆湯方

防已

一兩

甘草

半兩炒

白朮

七錢半

黃耆

一兩一分去蘆

右剉麻豆大每抄五錢七生姜四片大棗一枚水

盞半煎八分去滓温服良久再服喘者加麻黃

兩半 胃中不和者加芍藥三分 氣上衝者加桂枝

三分 下有陳寒者加細辛三分 服後當如虫行皮

中從腰下如冰後坐被上又以一被繞腰下温令

微汗差

傷寒八九日風濕相搏身體疼煩不能自轉側不嘔不渴脉浮虛而濇者桂枝附子湯主之若大便堅小便自利者去桂加白朮湯主之

桂枝附子湯方

桂枝四兩
去皮

生姜三兩
切

附子三枚
炮去皮破八片

甘草 二兩 炙

大棗 十二枚 擘

右五味以水六升煮取二升去滓分温三服

白朮附子湯方

白朮 二兩

附子 一枚 半 炮去皮

甘草 一兩 炙

生姜 一兩 半切

大棗 六枚

右五味以水三升煮取一升去滓分温三服一服

覺身痺半日許再服三服都盡其人如冒狀勿怪

卽是朮附並走皮中逐水氣未得除故耳

風濕相搏骨節疼煩掣痛不得屈伸近之則痛劇汗出

短氣小便不利惡風不欲去衣或身微腫者甘草附子湯主之

甘草附子湯方

甘草 二兩 炙

附子 二枚 炮 去皮

白朮 二兩

桂枝 四兩 去皮

右四味以水六升煮取三升去滓溫服一升日三服初服得微汗則解能食汗出復煩者服五合恐一升多者服六七合為妙

太陽中暍發熱惡寒身重而疼痛其脈弦細芤遲小便

已洒洒然毛聳手足逆冷小有勞身卽熱口前開板齒
燥若發其汗則其惡寒甚加溫針則發熱甚數下之則
淋甚

太陽中熱者暍是也汗出惡寒身熱而渴白虎加人參
湯主之

白虎人參湯方

知母

六兩

石膏

一斤碎

甘草

二兩

粳米

六合

人參

三兩

右五味以水一斗煮米熟湯成去滓溫服一升日

三服

太陽中暍身熱疼重而脉微弱此以夏月傷冰水水行皮中所致也一物苳蒂湯主之

一物苳蒂湯方

苳蒂 二十箇

右剉以水一升煮取五合去滓頓服

百合狐惑陰陽毒病證治第三

論一首 證三條 方十二首

論曰百合病者百脉一宗悉致其病也意欲食復不能食常默然欲卧不能卧欲行不能行飲食或有美時或

金匱要略 卷上 十一
有不用聞食臭時如寒無寒如熱無熱口苦小便赤諸藥不能治得藥則劇吐利如有神靈者身形如和其脉微數每溺時頭痛者六十日乃愈若溺時頭不痛漸然者四十日愈若溺快然但頭眩者二十日愈其證或未病而預見或病四五日而出或病二十日或一月微見者各隨證治之

百合病發汗後者百合知母湯主之

百合知母湯方

百合

七枚
擘

知母

三兩
切

石先以水洗百合漬一宿當白沫出去其水更以
泉水二升煎取一升去滓別以泉水二升煎知母
取一升去滓後合和煎取一升五合分溫再服
百合病下之後者滑石代赭湯主之

滑石代赭湯方

百合

七枚
擘

滑石

三兩碎
綿裹

代赭石

如彈丸大一
枚碎綿裹

右先以水洗百合漬一宿當白沫出去其水更以
泉水二升煎取一升去滓別以泉水二升煎滑石
代赭取一升去滓後合和重煎取一升五合分溫

服

百合病吐之後者用後方主之

百合雞子湯方

百合

七枚

雞子黃

一枚

右先以水洗百合漬一宿當白沫出去其水更以泉水二升煎取一升去滓內雞子黃攪勻煎五分

溫服

百合病不經吐下發汗病形如初者百合地黃湯主之

百合地黃湯方

百合

七枚
擘

生地黄汁

一升

右以水洗百合漬一宿當白沫出去其水更以泉水二升煎取一升去滓內地黃汁煎取一升五合分溫再服中病勿更服大便當如漆

百合病一月不解變成渴者百合洗方主之

百合洗方

右以百合一升以水一斗漬之一宿以洗身洗已食煮餅勿以鹽豉也

百合病渴不差者栝樓牡蠣散主之

栝樓根

牡蠣熬等分

右為細末飲服方寸七日三服

百合病變發熱者

乙作發寒熱

百合滑石散主之

百合滑石散方

百合

一兩炙

滑石

三兩

右為散飲服方寸七日三服當微利者止服熱則

除

百合病見於陰者以陽法救之見於陽者以陰法救之見陽攻陰復發其汗此為逆見陰攻陽乃復下之此亦

爲逆

狐惑之爲病狀如傷寒默默欲眠目不得閉卧起不安
蝕於喉爲惑蝕於陰爲狐不欲飲食惡聞食臭其面目
乍赤乍黑乍白蝕於上部則聲啞一作甘草瀉心湯主
之

甘草瀉心湯方

甘草

四兩

黃芩

人參

乾姜

各三兩

黃連

一兩

大棗

十二枚

半夏

半升

右七味水一斗煮取六升去滓再煎温服一升日

三服

蝕於下部則咽乾苦參湯洗之

蝕於肛者雄黃燻之

雄黃

右一味爲末筒瓦二枚合之燒向肛燻之

脉經云病人或從呼吸止蝕甘咽或從下焦蝕其肛陰蝕上爲惑蝕下爲狐狐惑病者猪苓散主之

病者脉數無熱微煩默默但欲卧江出初得之三四日

目赤如鳩眼七八日日四眦

一本此有黃字

黑若能食者膿已

成也赤小豆當歸散主之

赤小豆當歸散方

赤小豆

三升浸令芽出曝乾

當歸

右二味杵爲散漿水服方寸七日三服

陽毒之爲病面赤斑斑如錦文咽喉痛唾膿血五日可治七日不可治升麻鱉甲湯主之

陰毒之爲病面目青身痛如被杖咽喉痛五日可治七日不可治升麻鱉甲湯去雄黃蜀椒主之

升麻鱉甲湯方

升麻二兩

當歸一兩

蜀椒炒去汗一兩

甘草二兩

鱉甲手指大一片炙

雄黃半兩研

右六味以水四升煮取一升頓服之老小再服取

汗

肘後千金方陽毒用升麻湯無鱉

甲有桂陰毒用甘草湯無雄黃

瘧病脉證并治第四

證二條方六首

師曰瘧脉自弦弦數者多熱弦遲者多寒弦小緊者下之差弦遲者可温之弦緊者可發汗針灸也浮大者可吐之弦數者風發也以飲食消息止之

病瘡以月一日發當以十五日愈設不差當月盡解如其不差當云何師曰此結爲癥瘕名曰瘡母急治之宜

驚甲煎圓

驚甲煎圓方

驚甲 十一分 炙

烏扇 三分 燒

黃芩 三分

柴胡 六分

鼠婦 三分 熬

乾姜 三分

大黃 三分

芍藥 五分

桂枝 二分

葶歷 一分 熬

石韋 三分 去毛

厚朴 三分

牡丹 五分 去心

瞿麥 二分

紫葳 三分

半夏一分

人參一分

麩蟲五分

阿膠三分

蜂窠四分

赤消十二分

蟻娘六分

桃仁二分

右二十三味為末取銀竈下灰一斗清酒一斛五

斗浸灰候酒盡一半著鱉甲於中煮令泛爛如膠

漆絞取汁內諸藥煎為丸如梧子大空心服七丸

日三服

千金方用鱉甲十二片又有海藻三分大戟一分
麩虫五分無鼠婦赤消二味以鱉甲煎和諸藥為
丸

師曰陰氣孤絕陽氣獨發則熱而少氣煩冤手足熱而欲嘔名曰瘧瘧若但熱不寒者邪氣內藏於心外舍分肉之間令人消鑠肌肉

溫瘧者其脈如平身無寒但熱骨節疼煩時嘔白虎加桂枝湯主之

白虎加桂枝湯方

知母

六兩

甘草

二兩

石膏

一斤

粳米

二合

桂

三兩

去皮

右剉每五錢水一盞半煎至八分去滓溫服汗出

愈

瘡多寒者名曰牝瘡蜀漆散主之

蜀漆散方

蜀漆洗去腥

雲母燒二日夜

龍骨等分

右三味杵為散未發前以漿水服半錢 溫瘡加

蜀漆半分臨發時服一錢七一方雲母作雲實

附外臺秘要方

牡蠣湯治牝瘡

牡蠣四兩 熬

麻黃四兩 去節

甘草二兩

蜀漆

三兩

右四味以水八升先煮蜀漆麻黃去上沫得六升

內諸藥煮取二升溫服一升若吐則勿更服

柴胡去半夏加栝樓湯治瘧病發渴者亦治勞瘧

柴胡

八兩

人參

黃芩

甘草

各三兩

栝樓根

四兩

生姜

二兩

大棗

十二枚

右七味以水一斗二升煮取六升去滓再煎取三

升溫服一升日二服

柴胡桂薑湯治瘧寒多微有熱或但寒不熱服一劑如神

柴胡半斤

桂枝三兩 去皮

乾姜二兩

栝樓根四兩

黃芩三兩

牡蠣二兩 熬

甘草二兩 炙

右七味以水一斗二升煮取六升去滓再煎取三

升溫服一升日三服初服微煩復服汗出便愈

中風歷節病脈證并治第五論一首 方十二首 脈證三條

夫風之為病當半身不遂或但臂不遂者此為痺脈微

而數中風使然 寸口脈浮而緊緊則為寒浮則為虛

寒虛相搏邪在皮膚浮者血虛絡脉空虛賊邪不瀉或
左或右邪氣反緩正氣即急正氣引邪啗僻不遂邪在
於絡肌膚不仁邪在於經即重不勝邪入於府即不識
人邪入於藏舌即難言口吐涎

癩
侯氏黑散治大風四肢煩重心中惡寒不足者
外臺治風

菊花 四分

白朮 十分

細辛 三分

茯苓 三分

牡蠣 三分

桔梗 八分

防風 十分

人參 三分

礬石 三分

金匱要略 卷一
黃芩五分

當歸三分

乾姜三分

芎藭三分

桂枝三分

右十四味杵爲散酒服方寸七日一服初服二十日溫酒調服禁一切魚肉大蒜常宜冷食六十日止卽藥積在腹中不下也熱食卽下矣冷食日能助藥力

寸口脈遲而緩遲則爲寒緩則爲虛榮緩則爲亡血衛緩則爲中風邪氣中經則身痒而癩疹心氣不足邪氣入中則胸滿而短氣

風引湯除熱癰瘡

大黃

乾姜

龍骨

各四兩

桂枝

三兩

甘草

牡蠣

各二兩

寒水石

滑石

赤石脂

白石脂

紫石英

石膏

各六兩

石十二味杵麤篩以韋囊盛之取三指撮并花水

三升煮三沸温服一升

治大人風引少小驚癇瘈瘲日數十發醫所不療除

熱方巢氏云脚氣宜風引湯

防已地黃湯治病如狂狀妄行獨語不休無寒熱其

脉浮

防已一分

桂枝三分

防風三分

甘草一分

右四味以酒一盃漬之一宿絞取汁生地黃二斤

咬咀蒸之如斗米飯久以銅器盛其汁更絞地黃

汁和分再服

頭風摩散方

大附子一枚
鹽等分

右二味爲散沐了以方寸七已摩疾上令藥力行

寸口脉沉而弱沉卽主骨弱卽主筋沉卽爲腎弱卽爲
肝汗出入水中如水傷心歷節黃汗出故曰歷節跌陽
脉浮而滑滑則穀氣實浮則汗自出

少陰脉浮而弱弱則血不足浮則爲風風血相搏卽疼
痛如掣

盛人脉濇小短氣血汗出歷節疼不可屈伸此皆飲酒
汗出當風所致

諸肢節疼痛身體尪羸脚腫如脫頭眩短氣温温欲吐
桂枝芍藥知母湯主之

桂枝芍藥知母湯方

桂枝四兩

芍藥三兩

甘草二兩

麻黃二兩

生姜五兩

白朮五兩

知母四兩

防風四兩

附子二兩
炮

右九味以水七升煮取二升溫服七合日三服

味酸則傷筋筋傷則緩名曰泄醎則傷骨骨傷則痿名曰枯枯泄相搏名曰斷泄榮氣不通衛不獨行榮衛俱微三焦無所御四屬斷絕身體羸瘦獨足腫大黃汗出脛冷假令發熱便為歷節也

病歷節不可屈伸疼痛烏頭湯主之

烏頭湯方 治脚氣疼痛不可屈伸

麻黃

芍藥

黃芪 各三兩

甘草 炙

川烏 五枚 咬咀以蜜二升煎取一升節出烏頭

右五味咬咀四味以水三升煮取一升去滓內蜜煎中更煎之服七合不知盡服之

礬石湯 治脚氣衝心

礬石 二兩

右一味以漿水一斗五升煎三五沸浸脚良

附方

古今錄驗續命湯 治中風痲身體不能自收口不

能言冒昧不知痛處或拘急不得轉側 姚云與大續命同兼治婦

人產後去血者及老人小兒

麻黃

桂枝

當歸

參

石膏

乾姜

甘草

各三兩

芎藭

杏仁

四十枚

右九味以水一斗煮取四升溫服一升當小汗薄覆脊憑几坐汗出則愈不汗更服無所禁勿當風

并治但伏不得臥欬逆上氣面目浮腫

千金三黃湯 治中風手足拘急百節疼痛煩熱心

亂惡寒經日不欲飲食

麻黃

五分

獨活

四分

細辛

二分

黃芪

二分

黃芩

三分

右五味以水六升煮取二升分溫三服一服小汗

二服大汗心熱加大黃二分腹滿加枳實一枚氣

逆加人參三分悸加牡蠣三分渴加栝樓根三分

先有寒加附子一枚

近効方術附湯

治風虛頭重眩苦極不知食味暖

肌補中益精氣

白朮

二兩

附子

一枚半
炮去皮

甘草

一兩
炙

右三味剉每五錢七姜五片棗一枚水盞半煎七

分去滓温服

崔氏八味丸

治脚氣上入少腹不仁

乾地黄

八兩

山茱萸

薯蕷

各四兩

澤瀉

茯苓

牡丹皮

各三兩

桂枝

附子

炮各一兩

石八味研末煉蜜和丸梧子大酒下十五丸日再服

千金方越婢加朮湯治肉極熱則身體津脫腠理開汗大泄厲風氣下焦脚弱

麻黃

六兩

石膏

半斤

生姜

二兩

甘草

二兩

白朮

四兩

大棗

十五枚

右六味以水六升先煮麻黃去上沫內諸藥煮取

三升分溫三服惡風加附子一枚

炮

血痺虛勞病脉證并治第六

論一首方九首

脉證九條

問曰血痺病從何得之師曰夫尊榮人骨弱肌膚盛重
 因疲勞汗出臥不時動搖加被微風遂得之但以脉自
 微濇在寸口關上小緊宜鍼引陽氣令脉和緊去則愈
 血痺陰陽俱微寸口關上微尺中小緊外證身體不仁
 如風痺狀黃耆桂枝五物湯主之

黃耆桂枝五物湯方

黃耆

三兩

芍藥

三兩

桂枝

三兩

生姜

六兩

大棗

十二枚

右五味以水六升煮取二升溫服七合日三服

方一

有人
參

夫男子平人脈大爲勞極虛亦爲勞 男子面色薄者

主渴及亡血卒喘悸脈浮者裏虛也 男子脈虛沉弦

無寒熱短氣裏急小便不利面色白時目瞋兼衄少腹

滿此爲勞使之然 勞之爲病其脈浮大手足煩春夏

劇秋冬瘥陰寒精自出酸削不能行 男子脈浮弱而

澹爲無子精氣清冷一作冷 夫失精家少腹弦急陰頭

寒目眩一作目 髮落脈極虛芤遲爲清穀亡血失精脈

得諸芤動微緊男子失精女子夢交桂枝龍骨牡蠣湯

主之

桂枝加龍骨牡蠣湯方

小品云虛弱浮熱汗出者除桂加白薇附子各二分故曰

二加龍

骨湯

桂枝

芍藥

生姜

各三兩

甘草

大棗

十二枚

龍骨

牡蠣

各三兩

右七味以水七升煮取三升分温三服

天雄散方

天雄

三兩炮

白朮

八兩

桂枝

六兩

龍骨三兩

右四味杵爲散酒服半錢七日三服不知稍增之
男子平人脈虛弱細微者喜盜汗也 人年五六十其

病脈大者痺俠背行若腸鳴馬刀俠瘦者皆爲勞得之
脈沉小遲名脫氣其人疾行則喘喝手足逆寒腹滿
甚則溏泄食不消化也 脈弦而大弦則爲減大則爲
芤減則爲寒芤則爲虛虛寒相搏此名爲革婦人則半
產漏下男子則亡血失精

虛勞裏急悸衄腹中痛夢失精四肢痠疼手足煩熱咽

乾口燥小建中湯主之

小建中湯方

桂枝

三兩 去皮

甘草

三兩 炙

大棗

十二枚

芍藥

六兩

生姜

三兩

膠飴

一升

右六味以水七升煮取三升去滓內膠飴更上微

火消解溫服一升日三服

嘔家不可用建中湯以甜故也

千金療男女因積冷氣滯或大病後不復常若四肢沉重骨肉痠疼吸吸少氣行動喘乏胃滿氣急腰背強痛心中虛悸咽乾唇燥面體少色或飲食無味脇助腹脹頭重不舉多臥少起甚者積年輕者百日漸致瘦弱五藏氣竭則難可復常六脈俱不足虛寒乏氣少腹拘急羸瘠百病名曰黃耆建

中湯又有
人參二兩

虛勞裏急諸不足黃耆建中湯主之

於小建中湯內加黃耆一兩半餘依

上法 氣短胸滿者加生姜腹滿者去棗加茯苓一兩半及療肺虛損不足補氣加半夏三兩

虛勞腰痛少腹拘急小便不利者八味腎氣丸主之見方

婦人雜病中

虛勞諸不足風氣百疾薯蕷圓主之

薯蕷丸方

薯蕷三十
分

當歸

桂枝

麴

乾地黄

豆黃卷

各十分

甘草 二十分

人參 十分

芎藭

芍藥

白朮

麥門冬

杏仁 各六分

柴胡

桔梗

茯苓 各五分

阿膠 七分

乾姜 三分

白斂 二分

防風 六分

大棗 百枚 爲膏

右二十一味研末煉蜜和丸如彈子大空腹酒服

一九一百丸爲劑

虛勞虛煩不得眠酸棗湯主之

酸棗湯方

酸棗仁二升

甘草一兩

知母二兩

茯苓

二兩

芎藭

二兩

深師有生
姜二兩

右五味以水八升煮酸棗仁得六升內諸藥煮取

三升分溫三服

五勞虛極羸瘦腹滿不能飲食食傷憂傷飲傷房室傷
饑傷勞傷經絡榮衛氣傷內有乾血肌膚甲錯兩目黯
黑緩中補虛大黃廬重圓主之

大黃廬重丸方

大黃

十分
蒸

黃芩

二兩

甘草

三兩

桃仁一升

杏仁一升

芍藥四兩

乾地黄十兩

乾漆一兩

蝱虫一升

水蛭百枚

蟪螬一升

麤虫半升

右十二味研末煉蜜和丸小豆大酒飲服五丸日

三服

附方

千金翼灸甘草湯一云復脉湯

治虛勞不足汗出而悶

脈結悸行動如常不出百日危急者十一日死

甘草四兩

桂枝

生姜各三兩

麥門冬半升

麻仁半升

人參

阿膠

各二兩

大棗

三十枚

生地黃

一斤

右九味以酒七升水八升先煮八味取三升去滓

內膠消盡溫服一升日三服

肘後獺肝散 治冷勞又主鬼疰一門相染

獺肝一具炙乾末之水服方寸七日三服

肺痿肺癰欬嗽上氣病脈證治第七

論三首 脈證四條 方十五首

問曰熱在上焦者因欬為肺痿肺癰之病從何得之師曰或從汗出或從嘔吐或從消渴小便利數或從便難

又被快藥下利重亡津液故得之曰寸口脈數其人欬
口中反有濁唾涎沫者何師曰爲肺痿之病若口中辟
辟燥欬卽胸中隱隱痛脈反滑數此爲肺癰欬唾膿血
脈數虛者爲肺痿數實者爲肺癰 問曰病欬逆脈之
何以知此爲肺癰當有膿血吐之則死其脈何類師曰
寸口脈微而數微則爲風數則爲熱微則汗出數則惡
寒風中於衛呼氣不入熱逼於榮吸氣不出風傷皮毛
熱傷血脈風舍於肺其人則欬口乾喘滿咽燥不渴多
唾濁沫時時振寒熱之所過血爲之凝滯畜結癰膿吐

如米粥始萌可搗膿成則死 上氣面浮腫肩息其脈
浮大不治又加利尤甚 上氣喘而躁者屬肺脹欲作
風水發汗則愈

肺痿吐涎沫而不欬者其人不渴必遺尿小便數所以
然者以上虛不能制下故也此爲肺中冷必眩多涎唾
甘草乾姜湯以溫之若服湯已渴者屬消渴

甘草乾姜湯方

甘草 四兩

炙

乾姜 二兩

炮

右呔咀以水三升煮取一升五合去滓分溫再服

欬而上氣喉中水雞聲射干麻黃湯主之

射干麻黃湯方

射干 十三枚一法三兩

麻黃 四兩

生姜 四兩

細辛

紫苑

欬冬花 各三兩

五味子 半升

大棗 七枚

半夏 大者洗八枚一法半升

右九味以水一斗二升先煮麻黃兩沸去上沫內

諸藥煮取三升分溫三服

欬逆上氣時時唾濁但坐不得眠皂莢丸主之

皂莢丸方

阜莢八兩刮去皮用酥炙

右一味研末蜜丸梧子大以棗膏和湯服三九日

三夜一服

欬而脈浮者厚朴麻黃湯主之

厚朴麻黃湯方

厚朴五兩

麻黃四兩

石膏如雞子大

杏仁半升

半夏半升

乾姜二兩

細辛二兩

小麥一升

五味子半升

右九味以水一斗二升先煮小麥熟去滓內諸藥

煮取三升温服一升日三服

脈沉者澤漆湯主之

澤漆湯方

半夏

半升

紫參

五兩一作紫苑

澤漆

三斤以東流水五斗煮取

一斗五升

生姜

五兩

白前

五兩

甘草

黃芩

人參

桂枝

各三兩

右九味以咀內澤漆汁中煮取五升温服五合至

夜盡

大逆上氣咽喉不利止逆下氣者麥門冬湯主之

麥門冬湯方

麥門冬七升

半夏一升

人參二兩

甘草二兩

粳米三合

大棗十二枚

右六味以水一斗二升煮取六升温服一升日

夜一服

肺癰喘不得臥葶藶大棗瀉肺湯主之

葶藶大棗瀉肺湯方

葶藶熬令黃色搗丸如彈子大

大棗十二枚

右先以水三升煮棗取二升去棗內葶藶煮取一升頓服

欬而胸滿振寒脈數咽乾不渴時出濁唾腥臭久久吐膿如米粥者爲肺癰桔梗湯主之

桔梗湯方

亦治血痺

桔梗

一兩

甘草

二兩

右二味以水三升煮取一升分溫再服則吐膿血也

欬而上氣此爲肺脹其人喘目如脫狀脈浮大者越婢

加半夏湯主之

越婢加半夏湯方

麻黃

六兩

石膏

半斤

生姜

三兩

大棗

十五枚

甘草

二兩

半夏

半升

右六味以水六升先煮麻黃去上沫內諸藥煮取

三升分溫三服

肺脹欬而上氣煩燥而喘脈浮者心下有水小青龍加

石膏湯主之

小青龍加石膏湯方

千金證治同外更加脇下痛引缺盆

麻黃

芍藥

桂枝

細辛

甘草

乾姜

各三兩

五味子

半夏

各半升

石膏

二兩

右九味以水一斗先煮麻黃去上沫內諸藥煮取三升強人服一升羸者減之日三服小兒服四合

附方

外臺炙甘草湯

治肺痿涎唾多心中温温液液者

方見虛勞中

千金甘草湯

甘草

右一味以水三升煮減半分温三服

千金生姜甘草湯 治肺痿欬唾涎沫不止咽燥而

渴

生姜

五兩

人參

三兩

甘草

四兩

大棗

十五枚

右四味以水七升煮取三升分温三服

千金桂枝去芍藥加皁莢湯 治肺痿吐涎沫

桂枝

生姜

各三兩

甘草

二兩

大棗

十枚

阜莢

乙枚去皮
子炙焦

右五味以水七升微微火煮取三升分温三服

外臺桔梗白散

治欬而胸滿振寒脈數咽乾不渴

時出濁唾腥臭久久吐膿如米粥者為肺癰

桔梗

貝母

各三分

巴豆

一分去皮
燹研如脂

右三味為散強人飲服半錢七羸者減之病在膈

上者吐膿血膈下者瀉出若下多不止飲冷水一

杯則定

千金葦莖湯

治欬有微熱煩滿胸中甲錯是為肺

癰

葦莖

二升

薏苡仁

半升

桃仁

五十枚

瓜瓣

半升

右四味以水一斗先煮葦莖得五升去滓內諸藥

煮取二升服一升再服當吐如膿

肺癰胸滿脹一身面目浮腫鼻塞清涕出不聞香臭酸

辛欬逆上氣喘鳴迫塞葶藶大棗瀉肺湯主之

上方見三

日一劑可至三四劑此先服小青龍湯一劑乃進小青龍方見欬嗽門中

奔豚氣病脈證治第八

論二首方三首

師曰病有奔豚有吐膿有驚怖有火邪此四部病皆從驚發得之師曰奔豚病從少腹起上衝咽喉發作欲死復還止皆從驚恐得之

奔豚氣上衝胸腹痛往來寒熱奔豚湯主之

奔豚湯方

甘草 芎藭 當歸各二兩

半夏四兩 黃芩二兩 生葛五兩

芍藥二兩 生姜四兩 甘李根白皮一升

右九味以水二斗煮取五升溫服一升日三夜一

服

發汗後燒針令其汗針處被寒核起而赤者必發賁豚
氣從少腹上至心灸其核上各一壯與桂枝加桂湯主
之

桂枝加桂湯方

桂枝

五兩

芍藥

三兩

甘草

二兩
炙

生姜

三兩

大棗

十二枚

右五味以水七升微火煮取三升去滓溫服一升

發汗後臍下悸者欲作賁豚茯苓桂枝甘草大棗湯主

之

茯苓桂枝甘草大棗湯方

茯苓

半斤

甘草

二兩炙

大棗

十五枚

桂枝

四兩

右四味以甘爛水一斗先煮茯苓減二升內諸藥

煮取三升去滓溫服一升日三服

甘爛水法取水二斗置大盆內

以杓揚之水上珍珠子五六顆相逐取用之

胸痺心痛短氣病脈證治第九

論一首方十首

證一首

師曰夫脈當取太過不及陽微陰弦即胸痺而痛所以

然者責其極虛也今陽虛知在上焦所以胸痺心痛者以其陰弦故也 平人無寒熱短氣不足以息者實也胸痺之病喘息欬唾胸背痛短氣寸口脉沉而遲關上小緊數栝樓薤白白酒湯方

栝樓薤白白酒湯方

栝樓實一枚

薤白半斤

白酒七升

右三味同煮取二升分温再服

胸痺不得臥心痛徹背者栝樓薤白半夏湯主之

栝樓薤白半夏湯方

栝樓實

一枚

薤白

三兩

半夏

半升

白酒

一斗

右四味同煮取四升溫服一升日三服

胸痺心中痞氣氣結在胸胸滿脇下逆搶心枳實薤白桂枝湯主之人參湯亦主之

枳實薤白桂枝湯方

枳實

四枚

厚朴

四兩

薤白

半斤

桂枝

一兩

栝樓實

一枚

右五味以水五升先煮枳實厚朴取二升去滓內

諸藥煮數沸分溫三服

人參湯方

人參

甘草

乾姜

白朮

各三兩

右四味以水八升煮取三升溫服一升日三服

胸痺胸中氣塞短氣茯苓杏仁甘草湯主之橘枳薑湯亦主之

茯苓杏仁甘草湯方

茯苓

三兩

杏仁

五十箇

甘草

一兩

右三味以水一斗煮取五升温服一升日三服不差更服

橘皮枳實生薑湯方

橘皮 一斤

枳實 二兩

生薑 一斤半

右三味以水五升煮取二升分温再服 肘後千金云治胸痺

胸中幅幅如滿噎塞習習如痒喉中澁燥唾沫

胸痺緩急者薏苡仁附子散主之

薏苡附子散方

薏苡仁 十五兩

大附子 十枚

右二味杵為散服方寸匕日三服

心中痞諸逆心懸痛桂枝生薑枳實湯主之

桂枝生薑枳實湯方

桂枝

生姜

各三兩

枳實

五枚

右三味以水六升煮取三升分溫三服

心痛徹背背痛徹心烏頭赤石脂丸主之

赤石脂丸方

蜀椒

一兩一分

烏頭

一分

附子

半兩炮一分

乾姜

一兩一分

赤石脂

一兩一分

右五味末之蜜丸如梧子大先食服一九日三服

不知稍加服

九痛丸 治九種心痛

附子 三兩 炮

生狼牙 一兩 炙香

巴豆 一兩 去皮心 熬研如脂

人參

乾姜

吳茱萸 各一兩

右六味末之煉蜜為丸如梧子大酒下強人初服

三九日三服弱者二丸 兼治卒中惡腹脹痛口

不能言又治連年積冷流注心胸痛并冷衝上氣

落馬墜車血疾等皆主之忌口如常法

腹滿寒疝宿食病脈證第十

論一首 方十三首
脈證十六條

跌陽脈微弦法當腹滿不滿者必便難兩胠疼痛此虛寒從下上也當以溫藥服之 病者腹滿按之不痛為

虛痛者為實可下之舌黃未下者下之黃自去 腹滿時減復如故此為寒當與溫藥 病者痿黃燥而不渴

胸中寒實而利不止者死 寸口脈弦者即脇下拘急

而痛其人嗇嗇惡寒也 夫中寒家喜欠其人清涕出

發熱色和者善噓 中寒其人下利以裏虛也欲噓不

能此人肚中寒

痛 一云

夫瘦人繞臍痛必有風冷穀氣

不行而反下之其氣必衝不衝者心下則痞

病腹滿發熱十日脈浮而數飲食如故厚朴七物湯主

之

厚朴七物湯方

厚朴 半斤

甘草

大黃 各三兩

大棗 十枚

枳實 五枚

桂枝 二兩

生姜 五兩

右七味以水一斗煮取四升溫服八合日三服

嘔者加半夏五合 下利去大黃 寒多者加生

姜至半斤

腹中寒氣雷鳴切痛胸脇逆滿嘔吐附子粳米湯主之

附子粳米湯方

附子

一枚

半夏

半升

甘草

一兩

大棗

十枚

粳米

半升

右五味以水八升煮米熟湯成去滓溫服一升日

三服

痛而閉者厚朴三物湯主之

厚朴三物湯方

厚朴八兩

大黃四兩

枳實五枚

右三味以水一斗二升先煮二味取五升內大黃

煮取三升溫服一升以利為度

按之心下滿痛者此為實也當下之宜大柴胡湯

大柴胡湯方

柴胡半斤

黃芩三兩

芍藥三兩

半夏半斤洗

枳實四枚炙

大黃二兩

大棗十二枚

生姜五兩

右八味以水一斗二升煮取六升去滓再煎溫服

一升日三服

腹滿不減減不足言當須下之宜大承氣湯

大承氣湯方

見前瘕病中

心胸中大寒痛嘔不能飲食腹中寒上衝皮起出見有頭足上下痛而不可觸近大建中湯主之

大建中湯方

蜀椒

二合

乾姜

四兩

人參

二兩

右三味以水四升煮取二升去滓內膠飴一升微火煎取一升半分溫再服如一炊頃可飲粥二升

後更服當一日食糜溫覆之

脇下偏痛發熱其脈緊弦此寒也以溫藥下之宜大黃
附子湯

大黃附子湯方

大黃

三兩

附子

三枚

細辛

二兩

右三味以水五升煮取二升分溫三服若強人煮
取二升半分溫三服服後如人行四五里進一服

寒氣厥逆赤丸主之

赤丸方

茯苓

四兩

半夏

四兩洗一方用桂

烏頭

二兩炮

細辛

一兩千金作人參

右六味末之內真硃為色煉蜜丸如麻子大先食

酒飲下三九日再夜一服不知稍增之以知為度

腹痛脈弦而緊弦則衛氣不行即惡寒緊則不欲食邪正相搏即為寒疝寒疝遶臍痛苦發則白津出手足厥冷其脈沉緊者大烏頭煎主之

烏頭煎方

烏頭

大者五枚熬去皮不咬咀

右以水三升煮取一升去滓內蜜二升煎令水氣盡取二升強人服七合弱人服五合不差明日更服不可一日再服

寒疝腹中痛及脇痛裏急者當歸生薑羊肉湯主之

當歸生薑羊肉湯方

當歸

三兩

生薑

五兩

羊肉

一斤

右三味以水八升煮取三升溫服七合日三服若寒多者加生薑一斤痛多而嘔者加橘皮二兩白朮一兩加生薑者亦加水五升煮取三升二合

服之

寒疝腹中痛逆冷手足不仁若身疼痛灸刺諸藥不能
治抵當烏頭桂枝湯主之

烏頭桂枝湯方

烏頭

右一味以蜜二斤煎減半去滓以桂枝湯五合解
之令得一升後初服二合不知卽服三合又不知
復加至五合其知者如醉狀得吐者爲中病

桂枝湯方

桂枝 三兩 去皮

芍藥 三兩

甘草 二兩 炙

生姜 三兩

大棗 十二枚

右五味剉以水七升微火煮取三升去滓

其脈數而緊乃弦狀如弓弦按之不移脈數弦者當下其寒脈緊大而遲者必心下堅脈大而緊者陽中有陰可下之

附方

外臺烏頭湯

治寒疝腹中絞痛賊風入攻五臟拘

急不得轉側發作有時使人陰縮手足厥逆 上方見

外臺柴胡桂枝湯方 治心腹卒中痛者

柴胡 四兩

黃芩

人參

芍藥

桂枝

生姜 各一兩半

甘草 乙兩

半夏 二合半

大棗 六枚

右九味以水六升煮取二升溫服一升日三服

外臺走馬湯 治中惡心痛腹脹大便不通

巴豆 二枚去皮心燹

杏仁 二枚

右二味以綿纏搥令碎熱湯二合捻取白汁飲之

當下老小量之通治飛尸鬼擊病

問曰人病有宿食何以別之師曰寸口脈浮而大按之反濇尺中亦微而濇故知有宿食大承氣湯主之 脈數而滑者實也此有宿食下之愈宜大承氣湯 下利不欲食者有宿食也當下之宜大承氣湯

大承氣湯方 見前痙病中

宿食在上脘當吐之宜瓜蒂散

瓜蒂散方

瓜蒂 一分
熬黃

赤小豆 一分
煮

右二味杵為散以香豉七合煮取汁和散一錢七

溫服之不吐者少加以快吐爲度而止

凶血及虛者不

可與之

脈緊如轉索無常者有宿食也 脈緊頭痛風寒腹中

有宿食不化也

一云寸口脈緊

金匱要略卷上終